

摘藻堂四庫全書薈要

經部

欽定四庫全書薈要

經部

春秋傳卷二十四至
二十六



詳校官原任侍講_臣王燕緒

欽定四庫全書薈要卷一千四百四十一

經部

春秋傳卷二十四

宋 胡安國 撰

昭公上

公名稠襄公子母齊歸在位二十五年孫于齊在外八年凡三十二年薨于乾侯諡

法威儀恭
明曰昭

周

王四年魯昭公二十二年景王崩王猛立是年卒王室亂弟敬王立昭二十三年尹氏立王子朝昭二

十六年敬王入于
成周子朝奔楚

鄭簡公二十五年魯昭公十二年簡公卒子定公寧立昭二十八年定公卒獻公蠆立

齊

景公
七年

宋

平公三十五年魯昭公十年平公卒子元公
佐立昭二十五年元公卒子景公頭曼立

晉

平公十七年趙武為政魯昭公十年平公卒子昭公夷立魯昭公十六
為政魯昭公十年平公卒子昭公夷立魯昭公十六

年晉昭公卒子頃公去疾立昭二十八年
魏舒為政昭三十年頃公卒子定公午立

衛

襄公三年魯昭公七年
襄公卒子靈公元立

蔡

靈公二年魯昭公十一年楚殺蔡靈公滅蔡昭十三
年楚平王封蔡蔡侯廬立是為平公昭二十年平公

卒太子朱立昭二十一年朱奔楚楚平公弟悼
公東國立昭二十三年悼公卒弟昭公申立

曹

武公十四年魯昭公十四年武公卒子平公須立昭
十八年平公卒子悼公午立昭二十七年悼公卒弟

聲公野立昭三十二年平公
弟通弑聲公代立是為隱公

滕

成公三十五年魯昭公三年成公卒悼公寧立昭二十八年悼公卒頃公結立

陳

哀公二十八年魯昭公八年哀公卒楚滅陳昭十三年楚平王封陳陳侯吳立是為惠公

杞

文公九年魯昭公六年文公卒子平公郁釐立昭二十四年平公卒子悼公成立

薛

魯昭公三十一年薛獻公穀卒入春秋薛始書名子襄公定立

莒

展與元年魯昭公元年齊納莒公子去疾是為著丘公展與奔吳昭十四年著丘公卒子郊公立是年奔

齊著丘之弟庚與立是為共公昭二十三年庚與來奔齊納郊公

邾

悼公十五年魯昭公元年悼公卒莊公穿立

許

悼公六年魯昭公九年遷于夷昭十八年遷于白羽昭十九年悼公弑斯立

小邾

穆公十三年魯昭公十七年小邾穆公來朝

楚

邾敖四年魯昭公元年楚圍弒而自立改名虔是為靈王楚薳罷為令尹昭十三年靈王弒平王居立即

棄疾子旗為令尹昭十四年殺成然子瑕為令尹昭二十三年子常為令尹昭二十六年平王卒昭王軫立

秦

景公三十六年魯昭公五年景公卒子哀公立

吳

夷末二年魯昭公十五年夷末卒子僚立昭二十七年僚弒闔廬立一名光諸樊子

越

魯昭公五年越會楚伐吳始見經即書人

庚申
四年
景王
元年

晉平十七年齊景七年衛襄三年蔡靈二年鄭簡二十五年曹武十四年陳哀二十

八年杞文九年宋平三十五年秦景三
十六年楚郟敖四年辛吳夷末三年

春王正月公即位

叔孫豹會晉趙武楚公子圍齊國弱宋向戌衛齊惡陳

公子招蔡公孫歸生鄭罕虎許人曹人于虢音註

招音
韶虢

鄭地

此陳侯之弟招也何以不稱弟諸侯之尊弟兄不得
以屬通曰公子者其本當稱者也曰弟者因事而特
稱之也所以然者諸侯非始封之君則臣諸父昆弟
族人不得以屬戚君也會于虢尋宋之盟而經何以
不書在宋之盟楚人先軟若曰狎主諸侯則懼晉之
先也故圍請讀舊書加于牲上而晉人許之觀其事

雖若楚重得志晉少懦矣然春秋不貴音註
修盟晉人以信為本故每書必先趙武音註
反軟邑洽

甲反懦
乃亂反

三月取鄆音註

鄆莒邑○此季孫宿伐莒取鄆則書法
何以異於宣十年歸父伐邾歸父伐邾

猶公命也此
專取邑而已

按左氏季孫宿伐莒取鄆莒人訴於會楚告晉曰尋
盟未退而魯伐莒潰齊盟請戮其使有欲求貨於叔
孫豹而為之請者豹弗與曰諸侯之會衛社稷也我
以貨免魯必受師是禍之也何衛之為雖怨季孫魯
國何罪趙孟聞之請于楚曰魯雖有罪其執事不避
難子若免之以勸左右可也莒魯爭鄆為日久矣苟
無大害於其社稷可無亢也乃免叔孫其不曰伐
莒取鄆者乘莒亂而取邑故不悉書為內諱也
音

註 鄆音運 亢
苦浪反

夏秦伯之弟鍼出奔晉音註

鍼其
廉反

按左氏秦后子有寵於桓如二君於景其母曰弗去
懼選鍼遂出奔書此見人君寵愛其子不差以禮是
禍之也鍼之適晉其車千乘司馬侯問焉曰子之車
盡於此乎對曰此謂多矣若能少此吾何以得見叔
齊曰秦公子必歸能知其過必有令圖令圖天所贊
也後五年秦伯卒后子歸書曰弟者罪秦伯也夫后
子出奔其父禍之而罪秦伯何也春秋以均愛望人
父以能友責人兄父母有愛妾猶沒身敬之不衰况
兄弟乎兄弟翕而後父母順矣故音註差楚
不曰公子而特稱秦伯之弟云

六月丁巳邾子華卒音註

悼公卒莊
公穿立

晉荀吳帥師敗狄于大鹵音註

大鹵晉地今太原晉陽縣鹵音魯○晉自悼公

以來狄師不出敗狄至是而再見其再見何晉彌衰也悼公之伯也魏絳諫曰勞師於戎而楚伐陳必弗能救是棄陳也諸華必叛戎禽獸也獲戎失華母乃不可乎悼公卒復有事於戎狄至伐鮮虞春秋遂狄晉矣

大鹵太原也按六月宣王北伐之詩其詞曰薄伐玁狁至於太原而詩人美之者謂不窮追遠討及封境而止也然則太原在禹服之內而狄人來侵攘斥宜矣其過在毀車崇卒以詐誘狄人而敗之非王者之師耳使後世車戰法亡崇尚步卒爭以變詐相高日趨苟簡皆此等啓之矣書敗狄譏之也

秋莒去疾自齊入于莒音註

去起呂反前言齊無知弑其君後言齊小白入于齊

前言莒人弑其君後言去疾入于莒則不與弑之辭也前言衛侯入于夷儀後言衛甯喜弑其君前言齊陽生

入于齊後言齊陳乞弑其君與弑之辭也辭
有前後罪有大小故曰屬辭比事春秋教也

天下國家定于一吳楚僭號經不書葬土無二王也
以忽繫之鄭則突不稱國以小白繫之齊則糾不書
于國無二君也展輿乃莒子而去疾曷為又以國氏
乎程氏曰去疾假齊之力以入莒討展輿之罪正也
其以國氏與去疾之討有罪也此莒之公子曷為不
稱公子自謂先公之子可以有國不疑遂立乎其位
而無所稟也其
書入者難詞也

莒展輿出奔吳音註

展輿乃弑君之賊故
立雖踰年猶不成君

展輿莒子也曷為不稱爵為弑君者所立既立乎其
位而不能討賊則是與聞乎故也斯不可以有國矣
不可以有國則曷為以國氏程子曰罪諸侯之與其
立也號之會展輿無列何以見諸侯之與其立乎莒

雖以亂未能預會然訴魯取鄆而在會者欲執叔
孫則知諸侯之與其立矣亦以國氏惡崇亂也
叔音

註與音預
惡去聲

叔弓帥師疆鄆田

葬邾悼公

冬十有一月己酉楚子麋卒音註

麋九倫反

按左氏楚令尹圍將聘于鄭未出竟聞王有疾而還
入問王疾縊而弑之使赴於諸侯應為後之詞曰共
王之子圍為長初圍之未動於惡入預夏盟緝蒲為
宮設服離衛中國大夫莫不知其有無君之心矣雖
以疾赴冒為承偽藏之在諸侯之策乎當是時仲尼已
生將志于學乃所見之世非祖之所逮聞也又冒為

因之而不草乎曰此春秋之所以為春秋非聖人莫能修之者也薨則書卒則書卒弑則書弑葬則書葬各紀其實載於簡策國史掌之此史官之所同而凡為史者皆可及也或薨或不薨或卒或不卒或弑或不弑或葬或不葬筆削因草裁自聖心以達王事此仲尼之所獨而游夏亦不能與焉者也然則郊赦實弑而書卒何歟令尹圍弑君以立中國力所不加而莫能致討則亦已矣至大合諸侯于申與會者凡十有三國其臣舉六王二公之事其君用齊桓召陵之禮而宋向戌鄭子產皆諸侯之良也而皆有獻焉不亦傷乎若草其偽赴而正以弑君將恐天下後世以篡弑之賊非獨不必致討又可從之以主會盟而無惡矣聖人至此憫之甚懼之甚憫之甚者憫中國之衰微而不能振也懼之甚者懼人欲之橫流而不能遏也是故察微顯權輕重而畧其篡弑以扶中國制人欲存天理其義微矣

楚公子比出奔晉

辛景王二年晉平十八齊景八衛襄四蔡靈三鄭簡二

酉五年十六曹武十五陳哀二十九杞文十宋平

春晉侯使韓起來聘

夏叔弓如晉音註

叔弓叔老子

秋鄭殺其大夫公孫黑

按左氏鄭駟黑好在人上攻良霄而逐之又與公孫楚爭室又將作亂去游氏代其位傷疾作而不果子產使吏數之曰爾有亂心無厭國不女堪專伐伯有而罪一也兄弟爭室而罪二也矯君之位而罪三也

不速死大刑將至遂縊而尸之黑則有罪而鄭人初畏其強不之討也因其疾而幸勝之則亦云殆矣故稱國以殺音註公孫楚爭室事見左傳襄三十年及累乎上也音註昭元年好去聲數上聲厭平聲女上聲

冬公如晉至河乃復季孫宿如晉

按左氏晉少姜卒公如晉及河晉侯使士文伯來辭曰非伉儷也請君無辱公還季孫宿遂致服焉舉動人君之大節賢哲量之以行藏其道姦邪窺之以作止其惡四鄰視之以厚薄其情故有國者必謹於禮而後動此守身之本保國之基也禮雖自卑而尊人亦不妄悅人以自辱昭公既不能據經守正失禮而妄動又不能從權適變無故而輕復終復失國出奔客死他境蓋始諸此行矣或曰禮者明微正於未動

之前可也已至於河而見卻雖欲勿反將得已乎曰
以周公之胄千乘之國輕身以修鄰好乃卻而不納
夫何敢若曰敝邑褊小敬事大國惟恐獲戾聞陳無
字見執於中都謂少姜之數於守適信也用是不遑
寧處跂履山川來修吊事今若不獲進見剪為仇讎
他國誰敢朝夕在庭修事大之禮乎夫小國之去就
從違聽大國之令也若非伉儷齊人請陳無字之罪
何以令之也苟有二命又何以為盟主如此晉人其
將謝過之不暇敢不納乎昭公習儀以亟而不明乎
禮其及也宜經書公如晉至河乃復季孫宿如晉而
昭公失國之因季氏逐君之漸晉音註昭公習儀以
人下比之迹不待貶絕而皆見矣音註昭公習儀以
年少去聲還音旋
適丁歷反比去聲

壬景王三年

晉平十九齊景九衛襄五蔡靈四鄭簡二
十七曹武十六陳哀三十杞文十一宋平

三十七秦景三十八
楚靈二吳夷末五

春王正月丁未滕子原卒

音註成公卒子悼公寧立

夏叔弓如滕五月葬滕成公

秋小邾子來朝

八月大雩

冬大雨雹

北燕伯欵出奔齊

按左氏燕簡公多嬖寵欲去諸大夫而立其寵人燕大夫比以殺公之外嬖公懼奔齊書曰北燕伯欵出

奔齊罪之也。君雖不君，臣不可以不臣。燕伯欲去諸大夫，固不君矣。而大夫相與比以殺其外嬖，是威脅其主而出之也。與鬻拳之以兵諫無異，而獨罪燕伯，何哉？大夫國君之陪貳，以公心選之，而不可私也。以誠意委之，而不可疑也。以隆禮待之，而不可輕也。以直道馭之，而不可辱也。否則，是忽其陪貳，以自危矣。晉厲公殺三卻，立胥童，而弑於麗氏。漢隱帝殺楊史，立郭允明，而弑於趙村。衛獻公蔑冢卿，而信其左右，亦奔夷儀。久而後復也，故人主不尊陪貳，而與賤臣圖柄，臣者事成則失身，而見弑，事不成則失國，而出奔。此有國之大戒也。春秋凡見逐於臣者，皆以自奔為文，正其本之意也。而垂戒遠矣。

音註

晉厲

公殺三卻，立胥童，而弑於麗氏。事見成公十七年。十八年，衛獻公蔑冢卿，而信其左右，亦奔夷儀。久而後復也。事見左傳。襄公十四年二十六年，鬻音育。

癸景王四年

晉平二十齊景十衛襄六蔡靈五鄭簡二
亥七年十八曹武十七陳哀三十一杞文十二宋

平三十八秦景三十
九楚靈三吳夷末六

春王正月大雨雹

陰陽之氣和而散則為霜雪雨露不和而散則為戾
氣暄靈雹戾氣也陰脅陽臣侵君之象當是時季孫
宿襲位世卿將毀中軍專執兵權以弱公室故數月
之間再有大變申豐者季氏之孚也不肯端言其事
故暴揚於朝歸咎藏冰之失夫山谷之冰藏之也周
用之也徧亦古者本末備舉變調之一事耳謂能使
四時無愆伏凄苦之變雷出不震無蓄霜雹則亦誣
矣意者昭公遇災而懼以禮為國行其政令無失其
民雹之災也庶可禦也不然雖得藏冰
之道合於幽風七月之詩其將能乎

夏楚子蔡侯陳侯鄭伯許男徐子滕子頓子胡子沈子

小邾子宋世子佐淮夷會于申音註

申楚縣楚專合諸侯始此以楚莊之

賢辰陵之盟從之者陳鄭焉耳申之會合十有二國楚之得志於中國未有盛於此時者也

申之會楚子為主而不殊淮夷是在會之諸侯皆狄也其意也何楚虔弑麇以立而求諸侯於晉晉人許之中國從之執徐子圍朱方遷賴於鄢城竟莫校畏其強盛則曰晉楚唯天所相不可與爭滅陳不能救則曰陳亡而楚克有之天道也滅蔡而又不能救則曰天將棄蔡以壅楚盈而降之罰也至使窮凶極惡師潰於訾梁身竄於棘里而縊於申亥人不致討而天自討之是責命於天而以人事為無益而弗為也而可乎弑君之賊在春秋時有臣子討之則衛人殺州吁是也有四鄰討之則蔡人殺陳佗是也臣子不

能討之於內四鄰不能討之於外有與之會以定其位則齊侯及魯宣公會于平州是也有受其賂以免於討則晉侯及諸國會于扈是也然至此極矣則未有不以為賊而又推為盟主相與朝事之以聽順其所為而不敢忤者也故申之會不殊淮夷者以在會諸侯皆為夷狄之行皆王法之所當斥而不使夏變於夷之意也或曰晉叔向鄭子產宋向戌皆諸侯之良也謀其國至變於夷而不校何哉聖人以天自處賢者聽天所命春秋之法以人合天不任於天以義立命不委於命而宇宙在其手者也故楚麋書卒不草其偽赴於前諸侯會申與淮夷累數於後此音註以恕待人而責備賢者之意其垂訓之義大矣

滅陳不能救則曰陳亡而楚克有之天道也事見左傳九年滅蔡而又不能救則曰天將棄蔡以壅楚盈而降之罰也事見左傳十一年

楚人執徐子音註

書執徐子危會申之諸侯也

秋七月楚子蔡侯陳侯許男頓子胡子沈子淮夷伐吳

音註

因申會以伐吳不言諸侯者鄭徐滕小邦宋不在列故也

執齊慶封殺之音註

楚子欲行伯為齊討慶封故稱齊

遂滅賴音註

賴小國公穀作厲

九月取鄆音註

鄆莒邑

冬十有二月乙卯叔孫豹卒

甲景王五年

晉平二十一齊景十一衛襄七蔡靈六鄭簡二十九曹武十八陳哀三十二杞文十

三宋平三十九秦景四
十卒楚靈四吳夷末七

春王正月舍中軍音註

襄十一年始立中軍
至是舍之舍音捨

按左氏舍中軍卑公室也初作三軍三分公室而各
有其一及其舍之也四分公室季氏擇二二子各一
皆盡征之而貢於公然則三軍作舍皆自三家公不
與焉公室益卑而魯國之兵權悉歸於季氏矣兵權
有國之司命三綱兵政之本原書其作舍而公孫于
齊薨于乾侯定公無正必至之理也已則不臣三綱
淪替南蒯叛陽虎專季斯囚而三桓之子孫微
矣亦能免乎書曰舍中軍微詞以著其罪也
與音預南蒯叛事見左傳十二年陽
虎專季斯囚事見左傳定公五年

楚殺其大夫屈申

公如晉

夏莒牟夷以牟婁及防茲來奔音註

牟婁防茲俱莒邑

邾莒之大夫名姓不登於史策微也牟夷莒大夫曷為以姓氏通重地也以地叛雖賤必書地以名其人終為不義弗可滅矣其書來奔是接我以利而我入其利兩譏之也為國以義不以利如以利則上下交征而國必危矣為已以義不以利如以利則患得患失亦無所不至矣春秋於三叛人雖賤特書其名以懲不義懼淫人為後戒也邑而言及者公羊所謂不以私邑纍公邑是也

秋七月公至自晉

戊辰叔弓帥師敗莒師于蚡泉音註

蚡泉魯地蚡扶粉反

秦伯卒音註

景公卒子哀公立

冬楚子蔡侯陳侯許男頓子沈子徐人越人伐吳音註

越始見經而常壽過得稱人越驟強也通吳以疲楚者晉謀之失也通越以困吳者楚謀之失也

越始見經而與徐皆得稱人何也吳以朱方處齊慶封而富於其舊崇惡也楚圍朱方執齊慶封殺之討罪也吳不顧義入棘櫟麻以報朱方之役狄道也楚於是以前諸侯伐吳則比吳為善而師亦有名其從之者進而稱人可也或者以詞為主而謂不可云沈子徐越伐吳故特稱人誤矣以不可為文詞而進人於越一字褒貶義安在乎且吳楚徐越雖比於夷狄而劉敞以為其實不同吳大伯之後也楚祝融之後也徐伯益之後也越大禹之後也其以上世皆為元德顯功通于周室與中國冠帶之君無以異徐始稱王楚

後稱王吳越因遂稱王王非諸侯所當稱也故春秋
比諸夷狄雖然猶不欲絕其類是以上不使與中國
等下不使與夷狄均推之可遠引之
可來此聖人慎絕人亦春秋之意也

乙丑九年六年

晉平二十二齊景十二衛襄八蔡靈七鄭簡三十曹武十九陳哀三十三杞文十四

卒宋平四十秦哀公元年楚靈五吳夷末八

春王正月杞伯益姑卒音註

文公卒平公立

葬秦景公

夏季孫宿如晉

葬杞文公

宋華合比出奔衛

左氏曰宋寺人柳有寵大子佐惡之華合比請殺之柳聞坎用牲埋書而告公曰合比將納亡人之族既盟于北郭矣公使視之有焉遂逐合比於是華亥欲代為右師乃與柳比從為之徵公使代之宋公寵信閻寺殺世適痤而父子之恩絕逐華合比而君臣之義睽刑人之能敗國亡家亦可畏矣猶有任趙高以亡秦信恭顯十常侍以亡漢寵王守澄田令孜以亡唐而不知鑒覆車之轍者不亦悲夫凡此類直書而義自見矣

音註

宋公寵信閻寺殺世適痤事見左傳襄公二十六年攷音茲

秋九月大雩

楚遂罷帥師伐吳音註

罷音皮

冬叔弓如楚

齊侯伐北燕

丙景王七年

晉平二十三齊景十三衛襄九年蔡靈八年鄭簡三十一曹武二十陳哀三十四杞平

公郁釐元年宋平四十一秦哀二楚靈六吳夷末九

春王正月暨齊平音註

平不書必闕天下之大故而後書是故昭定而下春秋多罪齊

書伐衛遂伐晉同圍齊襲莒暨齊平盟于鹹次于伍氏皆特筆也夫子曰齊景公有馬千駟死之日民無得而稱焉蓋不予齊也

我所欲曰及不得已曰暨當是時昭公結婚強吳外附荆楚其與齊平無汲汲之意乃齊求於魯而許之

平也故曰暨至定公八年魯再侵齊結大國之怨見復必矣其與齊平非不得已乃魯求於齊而欲其平也故曰及平者聖人之所貴然或以賄賂而結平或以臣下而擅平或以附夷狄而得平或以侵犯大國而急於平則皆罪也攷其事而輕重見矣

三月公如楚

叔孫舍如齊泣盟

夏四月甲辰朔日有食之

秋八月戊辰衛侯惡卒

音註襄公卒子靈公元立

九月公至自楚

冬十有一月癸未季孫宿卒音註

季孫宿文子之子武子也

十有二月癸亥葬衛襄公

丁景王十八年

晉平二十四齊景十四衛靈公元元年蔡靈九鄭簡三十二曹武二十一陳哀三

十五年卒杞平二宋平四十二秦哀三楚靈七吳夷末十

春陳侯之弟招殺陳世子偃師音註

招音韶○陳哀公元妃生偃師二妃

生公子畱二妃嬖畱有寵屬諸司徒招與公子過哀公有廢疾招過殺偃師而立畱哀公憂恚自殺

此公子招特以弟稱者著招憑寵稔惡而陳侯失親親之道也招以公子為司徒乃貴戚之卿親則介弟尊則叔父號令廢立自己而出莫敢干之者也不能援立嫡冢安靖國家而逢君之惡戕殺偃師以致大

寇宗社覆沒罪固大矣陳侯信愛其弟何以為失親
親乎尊賢者親親之本不能擇親之賢者厚加尊寵
以表儀公族而徇其私愛施於不令之人以致亡國
敗家豈不失親親之道乎其曰陳侯之弟招殺陳世
子偃師交音註戕在良反
貶之也

夏四月辛丑陳侯溺卒音註哀公卒是年滅陳十三年
楚平王復封陳惠公吳立

叔弓如晉音註賀虜
祁也

楚人執陳行人干徵師殺之

陳公子留出奔鄭

秋蒐于紅音註蒐戶求反紅魯地書蒐始此○蒐狩不
書必違禮而後書於是舍中軍四分公

室季氏擇二子各一皆盡征之而貢於公蒐于紅也
自根牟至于商衛草車千乘皆三家之師也自是而屢
蒐三家所以耀武焉爾是故桓莊
之狩必言公昭定之蒐不言公矣

蒐春事也秋興之則違天時有常所矣其于紅則易
地利三家專行公不與焉而兵權在臣下則悖人理
此亦直書其事不待貶絕而自見者也凡亂臣之欲
竊國命必先為非禮以動民而後上及於君父昭公
至是民食於他不恤其
所昧於履霜之戒甚矣

陳人殺其大夫公子過音註過音

大雩

冬十月壬午楚師滅陳執陳公子招放之于越殺陳孔

與音註

孔與公子招之黨

葬陳哀公

戊辰二年九年

晉平二十五齊景十五衛靈二蔡靈十鄭簡三十三曹武二十二陳滅杞平三

宋平四十三秦哀四楚靈八吳夷末十一

春叔弓會楚子于陳音註

於是叔弓及宋華亥鄭游吉衛趙厲會楚子于陳諸夏之

大夫旅見于楚於是始舉魯以見其餘也

許遷于夷

夏四月陳災

凡外災告則書今楚已滅陳夷於屬縣使穿封戌為公矣必不遣使告於諸侯言亡國之有天災也何以書於魯國之策乎當是時叔弓與楚子會于陳則目擊其事矣雖彼不來告此不往弔叔弓使畢而歸語陳故也魯史遂書之耳或曰國史所書必承赴告豈有憑使人之言而載之於史者曰周景王崩有尹單猛朝之變固無赴告矣叔鞅至自京師言王室之亂也春秋承其言遂書于策亦此類耳仲尼作經存而弗草者蓋興滅國繼絕世以堯舜三代公天下之心為心異於孤秦罷侯置守欲私一人以自奉者所以歸民心合天德也穀梁以為存陳得其旨矣

秋仲孫矍如齊音註

矍音攬又俱碧反

冬築郎囿

已景王十年晉平二十六卒齊景十六衛靈三蔡靈已三年十一鄭簡三十四曹武二十三陳滅杞

平四宋平四十四卒秦哀五楚靈九吳夷末十二

春王正月

夏齊欒施來奔

秋七月季孫意如叔弓仲孫矍帥師伐莒

前已舍中軍矣曷為猶以三卿並將乎季孫毀中軍四分公室擇其二二家各有其一至是季孫身為主將二子各率一軍為之副則三軍固在其曰舍之者特欲中分魯國之衆為已私耳以為復古則誤矣襄公以來既作三軍地皆三家之土民皆三家之兵每一軍出各將其所屬而公室無與焉是知雖舍中軍

而三卿並將
音註
將去聲
舊額固存矣
與音預

戊子晉侯彪卒
音註
平公卒子
昭公夷立

九月叔孫舍如晉葬晉平公

十有二月甲子宋公成卒
音註
平公卒子
元公佐立

庚景王十
十有一年
晉昭公夷元年
齊景十七衛靈四
年秦哀六楚靈十吳夷末十三

十四陳滅杞平五宋元公佐元年

春王二月叔弓如宋葬宋平公

夏四月丁巳楚子虔誘蔡侯般殺之于申
音註
般音

楚公子棄疾帥師圍蔡

左氏曰：楚子在申，召蔡侯。其大夫曰：王貪而無信，幣重言甘，誘我也不如無往。蔡侯不可。楚子伏甲饗般於申，執而殺之。此討賊也。雖誘殺之，疑若無罪。春秋深惡楚子貶而稱名，何也？世子般弑其君，諸侯與通會盟十有三年矣。是中國樂為楚役而莫之覺也。楚子若以大義倡天下，奉詞致討，執般于蔡，討其弑父之罪，而在官者無赦焉。討其弑君之罪，而在官者無赦焉。殘其身，瀦其宮室，謀於蔡衆，置君而去。雖古之征暴亂者，不越此矣。又何惡乎今？虔本心欲圖其國，不為討賊舉也。而又挾欺毀信，重幣甘言，詐誘其君，執而殺之，肆行無道，貪得一時流毒於後。棄疾以是殺戎蠻商鞅，以是紿魏將秦人，以是刼懷王傾危成俗。天下大亂，劉項之際，死者十九。聖人深惡楚虔而名之也。其慮遠矣。後世誅討亂臣者，或畏其強，或幸

其弱不以大義興師至用詭謀詐力傲倖勝之若事
之捷反側皆懼苟其不捷適足長亂如代宗之圖思
明憲宗之紿王弁昧音註般音班惡去聲紿
於春秋垂戒之旨矣

五月甲申夫人歸氏薨音註

歸氏昭公母
胡女歸姓

大蒐于比蒲音註

比蒲魯地
比音毘

其曰大蒐越禮也君有重喪國不廢蒐不忌君也三
綱軍政之本君執此以馭其下臣執此以事其上政
之大本於是乎在君有三年之感而國不廢一日之
蒐則無本矣然則君有重喪喪不貳事以簡車徒為
非禮也乃有身從金革而無避者獨何歟曰喪不貳
事大比而簡車徒則廢其常可也有門庭之寇而宗
廟社稷之存亡繫焉必從權制而無避矣伯禽服喪
徐夷並興至于東郊出戰之師與築城之役同日並

舉度緩急輕重蓋有不得已焉者矣晉王克用薨梁兵壓境而莊宗決勝於夾寨周太祖殂契丹入寇而世宗接戰於高平若此者君行為顯親非不顧也臣行為愛君非不忌也惟審於緩急輕重之宜斯可矣

音註

度入聲契入聲

仲孫矧會邾子盟于祲祥音註

祲子鳩反又七林反

秋季孫意如會晉

頃

韓起齊

景

國弱宋

元

華亥衛

靈

北

宮佗鄭

簡

罕虎曹人

武

杞人

平

于厥慙音註

厥慙地闕公羊作屈

銀

按左氏楚師在蔡晉荀吳曰不能救陳又不救蔡物無以親已為盟主而不恤亡國將焉用之會于厥慙

謀救蔡也使狐父請蔡于楚弗許文十五年晉靈公帥八國之諸侯盟于扈春秋畧而不序者謀伐齊而不克定其亂也襄公三十年叔孫豹會十二國之大夫于澶淵諸國之大夫皆稱人魯卿諱而不書者視蔡亂而不能討其賊也今楚將滅蔡請于楚而弗許晉之不能亦可知矣曷為諸國猶序而大夫無貶乎扈之盟諸侯受賂弗克而還諸侯畧而不序亡義利之分也澶淵之會謀救宋災而不討蔡罪大夫貶而稱人魯卿諱而不書失重輕之別也亡義利之分為不仁失重輕之別為不智今晉與諸侯心欲救蔡而力弗加焉則無惡也凡此見春秋明義利審重輕以恕待人而不求其備矣

九月己亥葬我小君齊歸

冬十有一月丁酉楚師滅蔡執蔡世子有以歸用之

內入國而以其君來外滅國而以其君歸皆服而以之易詞也既書滅蔡矣又書執蔡世子有者世子無降服之狀強執以歸而虐用之也或以為未踰年之君其稱世子者不君靈公故不成其子非也楚虔殺蔡般棄疾圍其國凡八月而見滅世子在窮迫危懼之中固未暇立乎其位安得以為未踰年之君而稱子也假使立乎其位而般死於楚其喪未至不斂不葬世子亦不成乎為君矣然世子繼世有國之稱必以此稱蔡有者父母之仇不與共天下與民守國效死不降至於力屈就擒虐用其身而不顧也則有之為世子之音註易去聲降平聲

辛景王十有二年

晉昭二齊景十八衛靈五蔡滅鄭簡三十六卒曹武二十五陳滅杞

平六宋元二秦哀七楚靈十一吳夷末十四

春齊高偃帥師納北燕伯于陽音註

三年燕伯奔齊高偃高溪玄孫納之

于陽內弗受也陽即高唐燕別邑也於是齊景公有志於復伯

三月壬申鄭伯嘉卒音註

簡公卒子定公寧立

夏宋公使華定來聘音註

定華椒孫

公如晉至河乃復

五月葬鄭簡公

楚殺其大夫成熊音註

熊公作然穀作虎

秋七月

冬十月公子慙出奔齊音註

慙公羊傳作整

楚子伐徐音註

徐吳之姻國

晉伐鮮虞音註

鮮虞姬姓之國○始伐鮮虞狄晉也晉主諸夏之盟春秋之狄秦以晉故也狄

鄭亦以晉故也則其狄晉何晉之君卿無中國之志也於是楚方橫行中原而晉獨從事於狄伐鮮虞雖吳入郢於越入吳晉猶圍鮮虞也於是狄晉以其無復中國之志也

左氏曰晉荀吳偽會齊師者假道鮮虞遂入昔陽冬書晉伐鮮虞狄之也獻公假道于虞以滅虢因執虞公則以師與人稱之今晉雖為諉固可罪也而狄之不亦過乎楚奉孫吳討陳因以滅陳誘蔡般殺之因以滅蔡晉人視其殘虐莫能救則亦已矣而效其所為以伐人國是以楚之事為可行也人之所以為人

中國之所以為中國信義而已矣若行楚之行則網
淪法數極矣禽獸逼人將相食自春秋末世至於
六國亡秦變詐並興傾危成俗河決魚爛不可壅而
收之皆失信棄義之明驗也春秋謹嚴於此制治未
亂拔本塞源之
意豈曰過乎

春秋傳卷二十四

欽定四庫全書薈要卷一千四百四十二

經部

春秋傳卷二十五

宋 胡安國 撰

昭公中

壬景王十有三年晉昭三齊景十九衛靈六蔡平公
申六年 廬元年鄭定公寧元年曹武二十

六陳惠公吳元年杞平七宋元三
秦哀八楚靈十二弑吳夷末十五

春叔弓帥師圍費音註

費魯邑

費內邑也命正卿為主將舉大衆圍其城若敵國然
者家臣强大夫弱也語不云乎有一言可以終身行
之者其恕矣夫己所不欲勿施於人所惡於下者毋
以事上也所惡於上者毋以使下也然後家齊而國

治矣季孫意如以所惡於下者事其上而不忠於其君以所惡於上者使其下而不禮於其臣出乎爾者反乎爾宜南蒯之及此也春秋之法不書內叛反音求諸已而已矣其書圍費欲著其實不沒之也

註

惡去聲

夏四月楚公子比自晉歸于楚弑其君虔于乾谿音註

乾谿楚地在譙國城父縣南靈王弑比立棄疾殺比代立是為平王

楚師伐徐楚子虔次于乾谿為之援公子棄疾君陳蔡主方城之外有觀從者率羣失職以棄疾命召比于晉既至脅比而立之令于乾谿曰先至者復其田里師潰而歸楚子經而死或曰昭元年楚虔弑立比出奔晉十三年比歸而虔縊于棘園則比未嘗一日北而事虔為之臣虔又弑立圉非比之君矣而書曰比弑其君虔何

也曰凡去國出奔而君不以為臣則晉於欒盈是也臣
不以為君則公子鱄於衛是也若去國雖久而爵祿有
列於朝出入有詔於國不掃其墳墓不收其田里不繫
累其宗族即君臣之分猶在也比雖奔晉而晉人以羈
待比以國底祿固楚之亡公子也楚又未嘗錮之如晉
之於欒盈比又未嘗不向楚而坐如子鮮之於衛安得
以為比非楚臣而虔非比之君乎春秋書比弑其君虔
明於君臣之義也或曰虔弑郊敖以立比之獲罪豈其
無討賊之心而徒禽夫位歟曰春秋罪比不明乎君臣
之義不責其無討賊之心夫比雖當次及之序而棄疾
亦居楚國之常以取國言之比具五難而棄疾有五利
此事之變也為比者宜乎效死不立若國有所歸為曹
子臧魯叔肝不亦善乎不然身居令尹都貴戚之卿為
社稷鎮亂不自已亦可也今乃脅於勢而忘其守休於
利而忘其義被之大惡欲辭而不可得矣為人臣而不
知春秋守經事而不知其宜遭變事而不知其權者若

此類是也悲夫聖音註君不以為臣則晉於欒盈事人垂戒之意明矣襄公二十一年臣不以為君則公子鱄於衛事見左傳

襄公二十七年底音音夫音扶

楚公子棄疾殺公子比音註

公羊傳殺作弑

棄疾立比為王而已為司馬固君比矣而又殺之則宜書曰棄疾弑其君比而曰殺公子比何也初子干歸自晉觀從假棄疾命而召之來則來坎牲加書而強之盟則盟帥四族衆而使之入楚則入殺太子祿而立之為王則王周走而呼於國中謂衆怒如水火而逼之自殺則自殺其行止遲速去就死生皆觀從與國人所為而比未嘗可否之也安得為棄疾之君乎然比兄也黑肱弟也棄疾其季弟也立比為王肱為令尹疾為司馬益國人以長幼之序立之也則宜書曰楚人殺比而春秋變文歸獄棄疾者誅其本意

在於代比而非討之也所謂輕重之權衡
曲直之繩墨而懷惡者亦無所隱其情矣

秋公會劉子晉侯

昭

齊侯

景

宋公

元

衛侯

靈

鄭伯

定

曹

伯

武

莒子邾子滕子薛伯杞伯小邾子于平丘音註

丘平

衛地○晉復合諸侯也晉合諸侯由是
止鄆陵之後參盟復作晉非盟主矣

按左氏晉成虎初諸侯朝而歸者皆有貳心齊侯往
朝于晉燕而投壺曰寡人中此與君代興晉人知其
亦將貳也叔向曰諸侯不可以不示威乃並徵會治
兵于邾南甲車四千乘遂合諸侯于平丘方是時楚
人暴橫陵蔑中華在宋之盟爭晉先軟及虢之會仍
讀舊書遂召諸侯為申之舉遷賴於鄆縣陳滅蔡此
乃敵國外患臨深履薄恐懼省戒之時其君當倚於
法家拂士以德脩國政其臣當急於責難陳善以禮

格若心內結夏盟外攘夷狄復悼公之業若弗暇也
今乃施施然安於不競無憤恥自強之志惟宮室臺
榭是崇是飾及諸侯皆貳顧欲示威徵會而以兵車
耀之不亦末乎春秋之法制治于未亂保邦于未危
貴事之預恥以苟成而不要諸道者也是以深惡此
會如下文所貶云明其義者然後知仲尼作經於一
臺園之築一宮室門觀之作必謹而書以音註
重民力其弭亂持危固結人心之慮遠矣音註
去聲拂音弼惡去聲

八月甲戌同盟于平丘音註

書同盟劉子與盟也

按左氏晉將尋盟齊人不可叔向曰諸侯有閒矣不
可以不示衆卒未治兵建而不旆壬申復旆諸侯畏
之辭諸魯曰寡人有甲車四千乘在雖以無道行之
猶必可畏牛雖瘠債於豚上其畏不死南蒯子仲之

憂庸可棄乎若奉晉之衆間其二憂何求而弗克請
君無勤魯人聽命甲戌同盟于平丘其書同盟者劉
子與盟同懼楚也會與盟同地再書平丘者書之重
詞之複其中必有美惡焉見行事之深切著明故詞
繁而不殺也是盟蓋或善之而以為惡何哉盟雖衰
世之事然有定人道之大倫者矣有備天子之明禁
者矣有束牲不軟相命而信自喻者矣有納斥候禁
侵掠誠格而不復叛者矣其次猶以載書詞命相爭
約於大神而不敢越者則未聞主盟中國奉承齊犧
而矜其威力恐迫諸侯又信蠻夷之訴絕兄弟之歡
求逞私憤間其憂疑如此盟者流及戰國強衆相誇
恫疑恐喝恣行陵暴死者十九積習所致有自來矣
春秋禮義之大宗也曾是以為善乎詞繁

音註
聲間去

音預殺去
聲惡去聲

公不與盟

臣子之於君父隱諱其恥禮也十二國會于平丘公獨見辭不得與盟斯亦可恥矣曷為直書其事而不隱也晉主此盟德則不競而矜兵甲之威肆脅持之術以諸侯上要天子之老而軟血以中國同惴夷狄篡立之主而結盟無禮義忠信誠慤之心而以威詐涖之具此五不韙者得不與焉幸也聖人筆削春秋凡魯君可恥者必為之隱諱至會于沙隨而公不得見盟于平丘而公不得與自衆人常情必深沮喪以為辱矣仲尼推明其故自反而縮雖晉國之嚴不可及也彼以其威我以其理彼以其勢我以其義夫何嫌乎哉直書其事示後世立身音註要平聲行己之道也其垂訓之用大矣音註與音預

晉人執季孫意如以歸

稱人以執非伯討也自文以來公室微弱三家專魯而季氏罪之首也宿及意如尤為強逼元年伐莒疆鄆十年伐莒取鄆中分魯國以自封殖而使其君民食於家其不臣甚矣何以為非伯討乎晉人若按邾莒所訴有無之狀究南蒯子仲奔叛之因告於諸侯以其罪執之請於天子以大義廢之選於魯卿更意如之位收斂私邑為公室之民使政令在君三家臣順則方伯之職修矣今魯與邾通好亦不朝夕伐莒而鄆鄭之故又非昭公意也徒以邾莒之言曰我之不共魯故之以遂辭魯君而執意如則是意在貨財而不責其無君臣之義也何得為

音註

鄭古否反

公至自會

蔡侯廬歸于蔡陳侯吳歸于陳音註

於是楚平王封陳蔡而復之隱太子

之子廬歸于蔡悼太子之子吳歸于陳則其書曰陳侯
蔡侯何不與楚專封也歸辭有三突歸于鄭纂公子之
辭也蔡季自陳歸于蔡宜得國公子之辭也衛侯鄭歸
于衛嘗失國之君之辭也此未嘗有國也使之如失國
辭然者不與
楚專封也

楚虔遷六小國於荆山又滅陳蔡而縣之及棄疾即
位復諸遷國封蔡及陳隱太子有之子廬歸于蔡悼
太子偃師之子吳歸于陳曰歸者順辭也陳蔡昔皆
滅矣不稱復歸者不與楚虔之得滅也其稱歸于者
國其所宜歸也廬與吳皆亡世子之子也而棄疾封
之可謂有奉矣不言自楚者不與楚子之得封也其
稱侯者位其所固有也陳列聖之後蔡王室之親見
滅於楚虔而諸侯不能救復封於棄疾而諸侯不能
與是以夷狄制諸夏也聖人至是懼之甚蓋有不得
已焉制春秋為後法大要皆天子之事也其義則以

公天下為心興滅國繼絕世異於自私其身欲擅而有之者也故書法如此為天下國家而不封建欲望先王之治難矣

冬十月葬蔡靈公

公如晉至河乃復

吳滅州來

癸景王十年

十有四年

晉昭四齊景二十衛靈七蔡平二鄭定二曹武二十七卒陳惠二杞

平八年宋元四秦哀九楚平王居元年吳夷末十六

春意如至自晉音註

大夫不至必見執也而後至亦危之也

按左氏季孫猶在晉子服惠伯私於中行穆子曰魯
事晉何以不如夷之小國土地猶大所命能具若為
夷棄之使事齊楚何瘳於晉乃歸季孫其始執之為
乏邾莒之供而非有扶弱擊強之義也其終歸之為
土地猶大所命能具而非有不能救蔡為夷執親之
悔也然則晉人喜怒皆以利發其勸沮皆以利行違
道甚矣故平丘之會深加貶斥自是而後諸侯不合
二十餘年至於召陵又以賄敗十有八國之諸侯而
書侵楚以譏之於是晉日益衰外攜內叛不復
振矣利之能敗人國家乃如此春秋之深戒也

音註

行音杭為去
聲復扶又反

三月曹伯滕卒音註

武公卒子
平公須立

夏四月

秋葬曹武公

八月莒子去疾卒音註

著丘公卒子郊公立是年奔齊著丘之弟庚與立是為共公

卒自外錄者也莒人來赴故魯史書其卒葬自內錄者也魯人不往是以闕其葬自昭公以來雖薛杞微國無不會其葬者何獨於莒則不往乎方是時意如專政而莒嘗訴其疆鄆取郟之罪於方伯而見執矣為是怒莒故獨不會其葬也夫怨不棄義惡不忘親怒不廢禮在桓公時雖與衛戰而宣公卒則往葬之不以私故絕吉凶慶弔往來施報之常禮也以此見意如之專恣矣若意如者其傲狠修怨敢施於昭公與莒子及其在晉聞除館西河則恐懼逃歸如一匹夫何也小人無禮喜怒勇怯不中節皆若是耳苟不能遠之其音註為去聲中去聲

冬莒殺其公子意恢

甲景王十

十有五年

晉昭五齊景二十一衛靈八蔡平三鄭定三曹平公須元年陳惠三

杞平九宋元五秦哀十楚平二吳夷末十七卒

春王正月吳子夷末卒音註

夷末卒子王僚立

二月癸酉有事于武宮籥入叔弓卒去樂卒事

左氏曰禘于武宮叔弓蒞事籥入而卒去樂卒事有事于宗廟聞大夫之喪則去樂而祭可乎按曾子問君在祭不得成禮者夫子語之詳矣而無有及大臣者是知祭而去樂不可也有事于宗廟遭大夫之變則以聞可乎按禮衛有大史柳莊寢疾君曰若疾革雖當祭必告是知祭而以聞不可也禮莫重於當祭

大夫有變而不以聞則內得盡其誠敬之心於宗廟外全隱恤之意於大臣是兩得之也然則有事於宗廟大臣泣事籥入而卒於其所則如之何禮雖未之有可以義起也有事於宗廟大臣泣事籥入而卒於其所去樂卒事其可也緣先祖之心見大臣之卒必聞樂不樂緣孝子之心視已設之饌必不忍輕徹故去樂而卒事其可也宗廟合禮者常事不書苟以音為可則春秋何書乎此記禮之變而書之者也

註
去上聲
大音泰

夏蔡朝吳出奔鄭

朝吳蔡之忠臣雖不能存蔡而能復蔡其從於棄疾者謂蔡滅而棄疾必能封之也棄疾以其忠於舊君而信之使居舊國可謂知所信矣則曷為出奔費無極害其寵也無極楚之讒人去朝吳出蔡侯朱喪太

子建殺連尹奢屏王耳目使不聰明卒使吳師入郢
辱及宗廟讒人為亂可不畏乎為國有九經而尊賢
為上勸賢有四事而去讒為首志朝吳出奔而入郢
之師兆矣然朝吳身居舊國處危疑之地苟有譖之
者則王不能無動也能以忠信自任而杜讒諂之謀
則善矣而費無極乃語之曰子亦長矣而在下位辱
也欲為之請以名利累其心而莫之覺不智
亦甚矣故特書其出奔以罪吳為後戒也

音註

上去

聲屏上聲處
上聲語去聲

六月丁巳朔日有食之

秋晉荀吳帥師伐鮮虞音註

嘗狄晉矣荀吳何以無貶
於初伐貶餘實錄而已爾

晉滅潞氏甲氏及再伐鮮虞皆用大夫為主將而或
稱人或稱國或稱其名氏何也以殄滅為期而無矜

惻之意則稱人見利忘義而以狄道欺詐行之則稱國以正兵加敵而不納其叛臣則稱名氏夫稱其名氏非褒之也纔免於貶爾而春秋用兵禦狄之畧咸見矣

冬公如晉

乙景王十
亥九年
十有六年
晉昭六年卒齊景二十二衛靈九
蔡平四鄭定四曹平二陳惠四杞

平十宋元六秦哀十一
楚平三吳子僚元年

春齊侯伐徐音註
齊景有志
於代興也

楚子誘戎蠻子殺之音註
戎蠻子
嘉也

楚子之誘一也或名或不名者虔欲滅中國而棄疾討蠻氏謹華夷之辨也蔡侯與蠻子之見殺一也或

名或不名者蔡般弑父與君蠻氏
亂而無質其罪之輕重亦差矣

夏公至自晉

左氏曰公如晉平丘之會故也至是始歸者晉人止
公其不書諱之也昭公數朝于晉三至于河而不得
入兩得見晉侯又欲討其罪而止旃其困辱亦甚矣
在易之困曰困亨者困窮而致亨也夫困於心衡
於慮而後作徵於色發於聲而後喻此正憤悱自強
之時而夏少康衛文公越句踐燕昭王四君子者由
此其選也今昭公安於危辱無激昂勉勵之志即所
謂自暴自棄不可與有為而人亦莫之告矣不亦悲
乎諱而不書
深貶之也

音註

數音朔
選去聲

秋八月己亥晉侯夷卒音註

昭公卒子頃
公去疾立

九月大雩

季孫意如如晉

冬十月葬晉昭公

丙景王二十有七年晉頃公去疾元年齊景二十二衛靈十蔡平五鄭定五曹平三陳惠

子十年五杞平十一宋元七秦哀十二楚平四吳僚二

春小邾子來朝

夏六月甲戌朔日有食之

秋鄆子來朝

八月晉荀吳帥師滅陸渾之戎音註

自是凡滅不復稱人矣滅不書大夫

者吳也吳無大夫也

林父之於潞氏士會之於甲氏荀吳之於陸渾戎皆滅之也而林父士會稱師稱人荀吳舉其名氏何哉夷不亂華陸渾之戎密邇王室而縱之雜處則非膺戎狄別內外之義也與闢土服遠以圖強霸則異矣然舉其名氏非褒詞也纔得無貶耳則窮兵於遠虛內事外者可知矣

音註

父上聲處上聲

冬有星孛于大辰音註

大音泰

大辰心也心為明堂天子之象其前星太子後星庶子孛星加心象天子適庶將分爭也後五年景王崩王室亂劉子單子立王猛尹氏召伯立子朝歷數載而後定至哀十三年有星孛于東方不言宿名者不

加宿也當是時吳人僭亂憑陵上國日敝於兵暴骨如莽其戾氣所感固將壅吳而降之罰也故氛祲所指在於東方假手越人吳國遂滅

音註

劉子單子立王猛尹氏召

伯立子朝事見左傳二十二年二十六

楚人及吳戰于長岸音註

長岸楚地○吳楚始書戰自是楚復書人君臣不見經者

十八年吳入郢矣

言戰不言敗勝負敵也楚地五千里帶甲數十萬戰勝諸侯威服天下本非吳敵也惟不能去讒賤貨使費無極以讒勝囊瓦以貨行而策士奇才為敵國用故日以侵削至雞父之師七國皆敗栢舉之戰國破君奔幾於亡滅吳日益強而楚削矣是故為國必以得賢為本勸賢必以去讒賤貨為先不然雖廣土衆

民不足恃也攷其所書本末
強弱之由其為後世戒明矣

丁景王二十有八年

晉頃二齊景二十四衛靈十一蔡
平六鄭定六曹平四卒陳惠六杞

平十二宋元八秦哀
十三楚平五吳僚三

春王三月曹伯須卒音註

平公卒子
悼公午立

夏五月壬午宋衛陳鄭災音註

天火
曰災

按左氏鄭災子產臨事而備至于書焚室而寬其征
與之材三日哭國不市使行人告於諸侯宋衛皆如
是陳不救火許不弔災君子以是知陳許之先亡也
初裨竈言於子產宋衛陳鄭將同日火若我用瓘斚
玉瓚鄭必不火子產弗與及鄭既災竈曰不用吾言
鄭又將火鄭人請用之子產不可曰天道遠人道邇

非所及也何以知之亦不復火裨竈所言蓋以象推
非妄也而鄭不復火者子產當國方有令政此以德
消變之驗矣是知吉凶禍福固有可移
之理古人所以必先人事而後言命也

六月邾人入郕音註

郕小國如姓禹之後也音禹又音矩

秋葬曹平公

冬許遷于白羽音註

白羽楚邑一名析○十五年楚平王復遷邑許自夷還居葉此自葉

也遷

戊景王二十有九年

晉頃三齊景二十五衛靈十二蔡平七鄭定七曹悼公午元年陳惠

七杞平十三宋元九秦哀十四楚平六吳僚四

春宋公伐邾

按左氏宋公伐邾圍蟲取之而經不書圍與取何也
初邾人籍稻邾人襲邾盡俘之邾子曰余無歸矣從
邾於邾邾子反其夫人而舍其女夫人宋向戌之女
也故向寧請師圍蟲取之盡歸邾俘此所謂聲罪執
言之兵歸邾之俘其善意也故書伐邾而
釋其取邑之罪此亦善善長惡惡短之意

夏五月戊辰許世子止弑其君買音註

悼公弑止奔晉
弟斯立是為元

公

按左氏許悼公癘戊辰飲世子止之藥卒書曰弑其
君者止不嘗藥也古者醫不三世不服其藥夫子之
所慎者三疾居其一季康子饋藥曰丘未達不敢嘗
敬慎其身如此也而於君父可忽乎君有疾飲藥臣

先嘗之父有疾飲藥子先嘗之蓋言慎也止不擇醫而輕用其藥藥不先嘗而誤進於君是有忽君父之心而不慎矣自小人之情度之世子弑君欲速得其位而止無此心故曰我與夫弑者不立乎其位哭泣歎飭粥啖不容粒未逾年而卒無此心故被以大惡而不受自君子聽之止不嘗藥是忽君父之尊而不慎也而止有此心忽君父之尊而不慎此篡弑之萌堅冰之漸而春秋之所謹也有此心故加以大惡而不得辭書許世子止弑君乃除惡於微之意也而或者顧以操刃而殺與不躬進藥及進藥而不嘗三者罪當殊科疑於三傳之說則誤矣必若此言夫人而能為春秋美待於聖筆乎墨翟兼愛豈其無父楊朱為我豈其無君孟軻氏辭而闕之以為禽獸逼人將相食後世推明其功不在禹下未有譏其過者知此說則知止不嘗藥春

音註

啖音益
咽喉也

秋以為弑君之意矣

己卯地震

秋齊高發帥師伐莒

冬葬許悼公

何以書葬穀梁子曰不使止為弑父也其說曰子既生不免乎水火母之罪也羈貫成童不就師傅父之罪也就師學問無方心志不通身之罪也心志既通而名譽不聞友之罪也名譽既聞有司不舉有司之罪也有司舉之王者不用王者之過也許世子止不知嘗藥累及許君也觀止自責可謂有過人之質矣乃至以弑君獲罪此為人臣子而不知春秋之義者也古者太子自其初生固舉以禮有司端冕見之南郊過闕則下過廟則趨為赤子而其教已有齊肅敬慎之端矣此春秋訓臣子除惡於微積善於早之意

也

音註

見音現
齊音齋

已景王二十二年

晉頃四齊景二十六衛靈十三蔡平
八卒鄭定八曹悼二陳惠八杞平十

四宋元十秦哀十
五楚平七吳僚五

春王正月

夏曹公孫會自鄆出奔宋音註

公孫會子臧之子鄆
子臧采邑莫公反

奔未有言自者此其言自何劉敞曰待放也古者大
夫有罪待放於其境三年君賜之環則復賜之珕則
去逾境則為位向國而哭素衣裳冠不說人以無罪
此去國之禮曹無大夫其曰公孫賢之也待放而後
出奔臣子常禮免於貶足矣而何以賢之為公子喜
時之後賢之也喜時者曹之社稷鎮公子能以國讓

不取乎為諸侯所謂子臧是也春秋之義善善也長惡惡也短善善及子孫惡惡止其身以其賢者之後苟可善焉斯進之矣此舜典罰弗及嗣賞延于世之意也後世議者有乞錄用賢者之類功臣之世蓋得春秋之音註善去聲

秋盜殺衛侯之兄縶

左氏以為齊豹殺之也齊豹為衛司寇守嗣大夫其書為盜所謂求名而不得者也若艱難其身以險危大人而有名章徹攻難之士將奔走之臣竊以為仲尼書斷此獄罪在宗魯宗魯孟縶之驂乘也於法應書曰盜非求名而不得者也天下豈有欲求險危大人之惡名而聖人又靳此名而不與者哉然則齊豹首謀作亂宗魯雖與聞行事又以身死之矣今乃釋豹不誅而歸獄於宗魯不亦頗乎曰豹之不義夫人

皆知之也若宗魯欲事豹而死於公孟蓋未有知其
罪者故琴張聞其死將往弔之仲尼曰齊豹之盜孟
繫之賊汝何弔焉非聖人發其食姦受亂蓋不義犯
非禮之罪書於春秋則齊豹所畜養之盜孟繫所見
殺之賊其
大惡隱矣

冬十月宋華亥向寧華定出奔陳

十有一月辛卯蔡侯廬卒

音註平公卒太
子朱立

庚景王二

二十有一年

晉頃五齊景二十七衛靈十四
蔡悼公東國元年鄭定九曹悼

辰十四年

三陳惠九杞平十五宋元十
一秦哀十六楚平八吳僚六

春王三月癸亥葬蔡平公

夏晉侯使士鞅來聘

宋華亥向寧華定自陳入于宋南里以叛音註

宋南里

也鄙

按左氏初宋元公無信多私而惡華向三大夫謀曰亡愈於死先諸乃誘羣公子殺之公如華氏請焉弗許遂劫公取太子及其母弟以為質公怒攻之華向奔陳至是入于南里以叛凡書叛有入于戚者而不言衛有入于朝歌者而不言晉有入于蕭者而不言宋此獨言宋南里何也戚與朝歌及蕭皆其所食私邑也若南里則宋國城內之里名也傳稱華氏居盧門南里以叛而宋城舊鄔及桑林門以守是華氏與宋分國而居矣故其入其出皆以南里繫音註有入之宋此深罪叛臣逼脅其君已甚之詞也

者而不言衛見襄公二十六年有入于朝歌者而不言晉見定公十三年有入于蕭者而不言宋見定公

十一年

秋七月壬午朔日有食之

八月乙亥叔輒卒

音註叔弓之子伯張

冬蔡侯朱出奔楚

音註朱奔悼公東國立

公如晉至河乃復

春秋傳卷二十五

欽定四庫全書薈要卷一千四百四十三

經部

春秋傳卷二十六

宋 胡安國 撰

昭公下

辛景王二十
己五年崩

二十有二年

晉頃六齊景二十八衛靈十
五蔡悼二鄭定十曹悼四陳

惠十杞平十六宋元十二
秦哀十七楚平九吳僚七

春齊侯伐莒

宋華亥向寧華定自宋南里出奔楚

華向誘殺羣公子又劫其君取其太子母弟為質又
求助於吳楚蠻夷入據其國都以叛此必誅不赦之

賊也宋宜竭力必討之於內諸侯宜協心必救之於外楚子宜執叛臣之使而戮之於境今楚人釋君而臣是助諸侯之戍怠於救患固請逸賊而宋又從之則皆罪也故晉荀吳齊苑何忌衛公子朝曹大夫皆畧而不書其曰自宋南里者譏宋之縱釋有罪不能致討出奔楚者不待貶絕而亢不衆獎亂人之惡自見矣

大蒐于昌閒音註

昌閒魯地

昭公之時凡三書蒐或以非其時或以非其地而大意在權臣專行公不與也三綱軍政之本古者春蒐夏苗秋獮冬狩皆於農隙以講事而所主者明貴賤辨等列順少長習威儀則皆納民於軌物而非馳射擊刺之末矣是故觀于有莘少長有禮知可用也而文公遂霸臨于洛陽袒而發喪為義帝也而漢祖遂

王今魯國其君則設兩觀乘大輅其臣則八佾舞於庭旅泰山以雍徹其宰則據大都執國命而軍政之本亡矣何以蒐為此春秋所書為後戒之意也

音註

與音預○觀于有莘少長有禮知可用也而文

公遂霸見左傳僖公二十八年臨于洛陽袒而發喪為義帝也而漢祖遂王見前漢書高祖三年本紀

夏四月乙丑天王崩

音註景王崩子王猛立是為悼王是冬卒弟敬王立

六月叔鞅如京師

音註叔鞅叔弓子如京師始此

葬景王王室亂

音註周亂不書書王室亂則天下無人紀矣昔者惠襄之世子頽亂鄭號

討之子帶亂晉討之春秋不書猶有臣子焉耳於是景王崩悼王即位既葬矣子朝欲篡悼王而立凡歷悼敬五年而後定而訖於佚賊則天下無人紀矣

何言乎王室亂王者以天下為家則以京師為室京師者本也周公作立政曰迪惟有夏乃有室大競其作鵠鶚詩以遺成王亦曰既取我子無毀我室皆指京師言之也以京師為室王畿為堂諸夏為庭戶四夷為藩籬治外者先自內治遠者先自近本亂而末治者否矣景王寵愛子朝使孽子配嫡以本亂者其言王室譏國本之不正也本正而天下定矣唐虞公天下則相禪而與賢三代家天下則相繼而與子春秋兼帝王之道可公也則以達節為權故季札辭國貶而稱名可家也則以居正為大故莊公始生即書于策鄭突歸而不氏以國陽生入而得繫於齊此皆正本以及天下之義也其義苟行無易樹于王室豈有亂離之禍乎春秋書子同生於前而記王室亂於後其為來世法戒明矣

劉子單子以王猛居于皇音註

猛未踰年稱王成猛之為王以猛為宜立也是

故春秋之誼苟宜立也則糾雖未得國成之為子糾猛未得京師成之為王猛

凡稱以者不以者也師而曰以能左右之也地而曰以能取與之也人而曰以能死生之也尊不以乎卑貴不以乎賤大不以乎小劉蚩單旗臣也曷為能以王猛乎猛無寵於景王不能自定其位制在劉單其曰以者能廢立之也按左氏景王太子壽以昭十五年卒至是八年矣猛與勾皆其母弟禮無疑於當立然久而未立者王愛庶子朝欲立以為嗣未果而王崩故諸大臣競立君諸王子爭欲立以正則有猛以寵則有朝猛雖正而無寵其威不足以懾羣下朝雖寵而不正其分不足以服人心二子廢立皆恃大臣強弱而後定者也故特稱曰以而景王之弱其後嗣輕其宗社之罪亦著矣易曰王居无咎稱居于皇者明其有土當音註分去聲王居无咎得位之稱也音註咎渙九五象

秋劉子單子以王猛入于王城音註

王城邾郚也居于皇言失京師也入

于王城言始得京師也

猛未踰年何以稱王示當立也既當立矣何以稱名明嗣君也曰王猛者見居尊得正又以別乎諸王子也君前臣名劉單不名而王名不嫌於倒置乎曰君前臣名常禮也禮當其變臣有不名名其君而不嫌者矣王不當稱未踰年而稱王名不當稱立為君而稱猛皆禮之變也惟可與權者能知其變而不越乎道之中再書劉子單子之以王何也春秋詞繁而不殺者必有美惡焉劉子單子蓋挾天子以令諸侯而專國柄者也書而未足故再書于策以著上下舛逆為後世之深戒也

音註

單音善殺音賽

冬十月王子猛卒音註

按通鑑王猛為庶弟子朝所弑

十有二月癸酉朔日有食之

壬敬王
午元年

二十有三年

晉頃七齊景二十九衛靈十六蔡悼三卒鄭定十一曹悼五陳惠十

一杞平十七宋元十三秦哀十八楚平十吳僚八

春王正月叔孫舍如晉

癸丑叔鞅卒音註

叔鞅叔弓之子輒之弟也

晉人執我行人叔孫舍

晉人圍郊音註

郊周邑

按左氏晉籍談荀躒帥師軍于侯氏箕遺樂徵濟師軍其東南正月二師圍郊郊子朝邑也既不書大夫

之名氏又不稱師而曰晉人微之也所謂以其事而微之者也當是時天子蒙塵晉為方伯不奔問官守省視器具徐遣大夫往焉勤王尊主之義若是乎書晉人圍郊而罪自見矣

音註

躒即狄反微知

陵反守手又反見音現

夏六月蔡侯東國卒于楚音註

悼公卒弟昭侯申立

秋七月莒子庚與來奔音註

齊納郊公

左氏曰庚與虐而好劔苟鑄劔必試諸人國人患之又將叛齊烏存帥國人逐之庚與來奔齊人納郊公三代之得失天下仁與不仁而已矣苟無仁心甚則身試國亡不甚則身危國削庚與免死道左而出奔於魯幸耳入國不書而書其出奔惡之也郊公出入皆不書微之也所謂以其人而微之者也微之為義

或以位或以人或以事春秋書法達王

音註

好呼報反惡烏

故反

戊辰吳敗頓胡沈蔡陳許之師于雞父胡子髡沈子逞

滅獲陳夏齧音註

雞父楚地父音甫夏齧微舒玄孫齧五結反○夷狄交相敗不書必敗中

國而後書吳敗頓胡沈蔡陳許之師胡子髡沈子逞滅獲陳夏齧自入春秋未之有也

吳伐州來楚令尹帥師及諸侯之師與吳戰曷為不書楚令尹既喪楚師已燬六國先敗楚師遂奔是以不書楚也諸侯之師曷為畧而不序頓胡沈則其君自將蔡陳許則大夫帥師言戰則未陳也言敗績則或滅或獲其事亦不同也故總言吳人以詐取勝於前而以君與大夫序六國於後胡沈書爵書名書滅

者二國之君幼而狂不能以禮自守役屬於楚悉師以出一敗而身與衆俱亡也其曰胡子髡沈子逞滅者若曰非有能滅之者咸其自取焉耳亦猶梁亡自亡也鄭棄其師自棄也齊人殲于遂自殲也或曰獲別君臣也君死曰滅胡子髡沈子逞是也生得曰獲秦晉戰于韓原獲晉侯是也大夫生死皆曰獲鄭獲宋華元生也吳獲陳夏齧死也書其敗不以國分而以君大夫為序書其死不以事同而以君臣為別皆所以辨上下定民志雖顛沛必於是也其義行而亂自熄矣

音註

喪息浪反

天王居于狄泉音註

狄泉地闕○居于狄泉言未得至京師也於是王猛卒敬王即位即

王猛之母弟勾也居于狄泉謂之東王子朝入於王城謂之西王書曰天王居于狄泉黜子朝也

尹氏立王子朝音註

此尹文公周世卿也書尹氏立王子朝猶曰尹氏所欲立也將以

王天下獨尹氏立之則莫之與矣王子不名唯卒名之
非卒也而名之者貶也是故救衛書子突奔名子瑕立
名子

朝

立者不宜立也王猛當立而未能立故稱大臣以之
而不言立敬王當立又能立矣故直稱居于狄泉而
不言立子朝庶孽奪正以賤妨貴基亂周室不當立
者也故特稱立而目尹氏尹氏天子之卿也王朝公
卿書爵而變文稱氏者見世卿之擅權亂國為後戒
也或曰稱氏者時以氏稱之也詩云王謂尹氏此大
雅美宣王詩也亦譏世卿歟為此說者誤矣詩人主
文而不以害意有美而或過有刺而或深以意逆之
可也春秋所書或稱爵或稱字或稱名或稱氏或稱
子或稱人名分所由立是非所由定禮義所由出皆
斷自聖心游夏不能與也徇
時之所稱而稱之豈其然乎

八月乙未地震

冬公如晉至河有疾乃復

昭公兩朝于晉而一見止五如晉而四不得入焉今此書有疾乃復殺恥也以周公之胄千乘之君執幣帛修兩君之好而不見納斯亦可恥矣有恥而後能知憤知憤而後能自強自強而後能為善為善而後能立身立身而後能行其政令保其國家矣昭公內則受制於權臣外則見陵於方伯此正憂患疾疾有德慧術智保生免死之時也而安於屈辱甘處微弱無憤恥自強之心其失國出奔死於境外其自取之哉

癸敬王二十有四年

晉頃八齊景三十衛靈十七蔡昭公申元年鄭定十二曹悼六陳惠

十二杞平十八卒宋元十四
秦哀十九楚平十一吳僚九

春王二月丙戌仲孫矍卒音註

仲孫矍孟僖子也矍俱縛反

叔孫舍至自晉

大夫執而致則名此獨書其姓氏何賢之也叔孫舍
以禮立身而不屈於強國以忠事主而不順於強臣
此社稷之衛魯之良大夫也使昭公稍有動心忍性
強於為善之意舉國以聽豈其死於乾侯觀意如之
稽顙於昭子叔孫之以逐君責意如其事可見矣及
意如有異志而昭子使祝宗祈死所謂知其無可奈
何安之若命者故舍至自晉特以姓氏書其死也公
雖在外而特書日以卒之所以表其節為後世勸也

音註

意如稽顙於昭子叔孫以逐君責意如事見左傳二十五年

夏五月乙未朔日有食之

秋八月大雩

丁酉杞伯郁釐卒音註

平公卒子悼公成立

冬吳滅巢

巢楚之附庸實邑之也書吳入州來著陵楚之漸書吳滅巢著入郢之漸四鄰封境之守既不能制則封境震矣四境國都之守既不能保則國都危矣故沈尹戌以此為亡郢之始也春秋內失地不書明此為有國之大罪外取滅皆書明見取滅者之不能有其土地人民則不君矣故諸侯之寶三以土地為首

葬杞平公

甲敬王
申三年

二十有五年

晉頃九齊景三十一衛靈十八蔡昭二鄭定十三曹悼七陳惠十三

杞悼公成元年宋元十五卒
秦哀二十楚平十二吳僚十

春叔孫舍如宋

夏叔詣會晉趙鞅宋樂大心衛北宮喜鄭游吉曹人邾

人滕人薛人小邾人于黃父音註

詣五計反黃父晉地即黑壤父音甫○於

是敬王謂之東王子朝謂之西王晉侯使涖問周故期以明年而後為黃父之會又明年而荀躒趙鞅之師出是故天王書出入而晉師克鞏不書書克鞏是討子朝也

按左氏鄭子太叔如晉范獻子曰若王室何對曰王室之不寧大國之憂晉之恥也吾子其早圖之獻子

懼乃徵會於諸侯會於黃父謀王室也趙簡子令諸侯之大夫輸王粟具戍人將納王夫以王猛之無寵單旗劉蚩之屢敗敬王初立子朝之衆召伯奧南宮嚳甘桓公之黨疑若多助之在朝也然會于黃父凡十國而諸侯之大夫無異議焉是知邪不勝正久矣猶有寵愛庶孽配適奪正至於滅亡而不寤者不知幽王晉獻之父子亦何足效哉然則黃父之會王事也而無美詞何也王室不靖亦惟友邦冢君克修厥職以綏定王都非異人任亦何美之有免於譏貶足矣此春秋以正待人之體也後世以濫賞報臣子所當為之事為臣子者亦受而不辭失此義矣

有鸛鵒來巢音註

鸛鵒鳥名鸛其具反鵒音欲○此鳥穴居不在魯界故曰來巢記異也

傳曰鸛鵒不踰濟濟水東北會于汶魯在汶南其所無也故書曰有巢者去穴而巢陰居陽位臣逐君象

也鸛鵒宜穴處於下而巢居於上季孫宜臣順於家
而主祭於國反常為異之兆能以德消則無其應矣
或曰此公子宋
有國之祥也

秋七月上辛大雩季辛又雩

左氏以再雩為旱甚聖人書此者以志禦災之非道
而區區於禱祠之末也昭公之時雨雹地震四見於
經旱乾為虐相繼而起有鸛鵒來巢異之甚也季辛
又雩災之甚也考諸列位則國有人焉觀諸天時則
猶有眷顧之心未終棄也若反身修德信用忠賢災
異之來必可禦矣昔高宗彤日雉升鼎耳異亦甚矣
聽於祖已克正厥事故能嘉靖殷邦享國長久宣王
之時旱魃蘊隆災亦甚矣側身修行遇災而懼故能
興衰撥亂王化復行此皆以人勝天以德消變之驗
也昭公至是猶不知畏罔克自省而求於禱祠之末

將能勝乎故特書此以為後世鑒

音註

雨雹地震四見於經事見三年四年大雨雹十九年二十

三年地震旱乾為虐相繼而起事見三年六年八年十六年二十四年及此年七書雩彤音融又音同

九月己亥公孫于齊次于陽州音註

陽州齊魯竟上邑孫音遜往也○公

行書次自莊以來未之有也於是再見其再見何以昭公之失國不可不詳其所往也

內出奔稱孫隱也次于陽州待齊命也昭公欲伐李氏子家子曰季氏得民久君無多辱公不從意如登臺而請待於沂上以察罪弗許請囚于費弗許請以五乘亡弗許子家子曰君其許之政自之出久矣隱民多取食焉為之徒者衆矣日入慝作弗可知也弗聽叔孫氏之司馬陷西北隅以入孟氏殺郕昭伯遂伐公徒公與臧孫如墓謀遂行以君伐臣曷為不勝魯自東門遂殺適立庶魯君於是乎失政祿去公室

政在季氏於此君也四公矣作三軍盡征其一舍中
軍兼有其二民賦入於其家半矣受命救台也遂入
鄆帥師取卞也不以聞軍政在其手專矣行父片言
而東門氏遂南蒯一動而公子慙奔魯之羣臣亦無
敢忠於公室而獻謀者所謂屯難之時也在易屯之
六五曰屯其膏小貞吉大貞凶象曰屯其膏施未光
也昭公不明乎消息盈虛之理正身率德擇任忠賢
待時馴致不忍一朝之忿求逞其私欲而以羣小謀
之其及也宜矣

齊侯唁公于野井音註

唁音彦野井齊地

唁者弔也生事曰唁死事曰弔齊侯唁公于野井以
遇禮相見孔子曰其禮與其辭足觀矣然則何以失
國而不反乎禮有本末正身治人禮之本也威儀文
辭禮之末也昭公喪齊歸無感容而不顧娶孟子為

夫人而不命政令在家而不能取有子家子之賢而不能
用而屑屑焉習儀以亟能有國乎雖齊侯來唁其禮與
辭是矣而方伯連帥之職則未修也又豈所以為禮哉其
言曰自莒疆以西請致千社將率敝賦以從而子家子曰失
魯而以千社為臣誰與之立且齊君無信不如早之晉書曰
唁公亦明其無納公之實讖之也

冬十月戊辰叔孫舍卒

十有一月己亥宋公佐卒于曲棘音註

曲棘宋地今陳留外黃縣城中

有曲棘里是也○元公卒于景公頭曼立

按左氏宋元公為公故如晉卒于曲棘曲棘宋地也宋元之夫人曹氏生子妻意如或謂曹氏勿與魯將

逐之曹氏告元公公告樂祁祁曰與之如是魯君必
出無民而能逞其志者未之有也魯君失民久矣然
則宋元意如之外舅也不此之顧而求欲納公是以
正倫恤患為心而不匿其私親之惡者也其賢於當
時諸侯遠矣故雖卒于封
內而特書其地以別之也

十有二月齊侯取鄆

鄆魯邑也直書齊侯取之何也齊不自取而為公取
鄆使居之也昭公出奔經書次于陽州見公於魯未
絕而季氏逐君為不臣及書齊侯取鄆則見公已絕
於魯而逐於季氏為不君君者有其土地人民以奉
宗廟之典籍者也己不能有而他人是保則不君矣
春秋之義欲為君盡君道為臣盡臣道各守其職而
不渝也昭公失君道季氏為亂臣各渝其
職而不守矣其為後世戒深切著明矣

乙敬王
西四年

二十有六年

晉頃十齊景三十二衛靈十九蔡昭三鄭定十四曹悼八陳惠十四

杞悼二宋景公樂元年秦哀二十
十一楚平十三卒吳僚十一

春王正月葬宋元公

三月公至自齊居于鄆

居者有其土地人民之稱也昭公失國出奔而稱居于鄆者存一國之防也襄王已出而稱居于鄭敬王未入而稱居于狄泉者存天下之防也天子之於天下率土之濱莫非其臣非諸侯所敢擅也諸侯之於封國四境之內莫非其土非大夫所得專也故諸侯避舍以待巡狩而大夫專邑是謂叛君曰居于鄆其為防也至矣

夏公圍成

成者孟氏之邑左氏曰齊侯將納公命無受魯貨申
豐適齊貨梁丘據據受之言於齊侯曰羣臣不盡力
于魯君者非不能事君也據有異焉宋元公為魯君
如晉卒于曲棘叔孫昭子求納其君無疾而死不知
天之棄魯邪抑魯君有罪於鬼神故及此也若使羣
臣從魯君以卜師有濟也而繼焉茲無敵矣齊侯從
之使公子鉏帥師從公圍成不書齊師者景公怵於
邪說為義不終故微之也書公圍成則季氏之不臣
昭公之不君齊侯之不能修音註為于偽反鉏祖居
方伯連帥之職其罪咸具矣反休雪律反帥所

類反

秋公會齊侯莒子邾子杞伯盟于鄆陵音註

鄆陵地闕
鄆音專又

市轉反○此參盟也參盟自齊桓以來未之有也於是
再見何晉不復主盟矣十六年齊徐莒鄭嘗盟于蒲遂
十九年宋邾郕徐嘗盟于蟲則諸侯有不待伯主而自
盟會者矣於是書以晉之不復主盟也晉不復主盟而
後齊專盟矣

公至自會居于鄆

九月庚申楚子居卒音註

平王卒子昭王軫立

冬十月天王入于成周音註

言始得京師也昔者惠王出入皆不書襄王雖書出

猶不書入也於是悼王自皇敬王自狄泉則曷為皆書
入幸之也王室亂矣入無足諱焉爾于成周猶未得王
也都也

左氏曰晉知躒趙鞅帥師紂王入于成周使成公般
戍周而還不曰入于京師者京師衆大之稱不可繫
之入也其曰成周云者黍離而次不列于雅降為
國風之意而景王寵愛庶孽弱其世適之罪著矣
音

註

知音智離音澁還音
旋孽魚列反適音嫡

尹氏召伯毛伯以王子朝奔楚

取國有五利寵居一焉子朝有寵於景王為之黨者
衆矣卒不能立至于奔楚何也是非有出於人之本
心者不可以私愛是亦不可以私惡非卒歸於公而
止矣景王寵愛子朝將斬於見是而天下不以為是
疎薄子猛將斬於見非而天下卒不以為非徒設此
心兩棄之也庶孽憑寵為羣小之所宗而人心不附
適子恃正人心之所向而羣小不從故伯服雖殺而
平王亦不能復宗周之盛申生已死而奚齊卓子亦

不能勝里克之兵是兩棄之也景王不鑒覆車王猛
子朝之際危亦甚矣春秋詳書為後世戒可謂深切
著明也哉

音註

惡烏故反
適音嫡

丙敬王

二十有七年

晉頃十一齊景三十三衛靈二十
蔡昭四鄭定十五曹悼九卒陳惠

十五年杞悼三宋景二秦哀二十
二楚昭王軫元年吳僚十二弑

春公如齊公至自齊居于郕

夏四月吳弑其君僚音註

公子
光立

此公子光使專諸弑之而稱國何也吳子壽夢有四
子長諸樊次餘祭次夷末次季札光諸樊之子也僚
夷末之子也諸樊兄弟以次相及必欲致國於季子
而季子終不受則國宜之光者也僚烏得為君故稱

國以弑而不歸獄於光其稱國以弑者吳大臣之罪也大臣任大事事莫大於置君矣故君存而國本定君終而嗣子立社稷嘉靖人無閒言此秉政大臣之任伊咎之所以安商周孔明之所以定劉漢也若廢立進退出於羣小閹寺而當國大臣不預焉則將焉用彼相矣此春秋歸罪大臣稱國弑君之意其經世之慮

深矣

音註

長展兩反祭側界反閒去聲召音邵寺音恃焉於虔反相息亮反

楚殺其大夫卻宛

秋晉士鞅宋樂祁犂衛北宮喜曹人邾人滕人會于扈

按左氏扈之會令戍周且謀納公也宋衛皆利納公固請之士鞅取貨於季孫謂樂祁北宮喜曰魯君守齊三年而無成季氏甚得其民淮夷與之有十年之備有齊楚之援有堅守之心有列國之權而弗敢宣

也事君如在國鞅以為難二子皆圖國者也而欲納魯君請從二子以圖魯無成死之二子懼皆辭乃辭小國而以難復文十五年諸侯盟于扈將為魯討齊齊侯賂之而不克討故在會諸侯畧而不序今此謀納公亦以賂故不克納而諸國之大夫皆序何也曰利於納公者宋衛之大夫也受賂而不欲納公者獨范鞅主之耳又況成周之令行乎所以列序而音註不畧也以此見聖人取舍之大情而輕重審矣

為于偽反

舍音捨

冬十月曹伯午卒音註

悼公卒弟聲公野立

邾快來奔

公如齊公至自齊居于鄆

丁敬王二十有八年晉頃十二齊景三十四衛靈二十

亥六年一蔡昭五鄭定十六卒曹聲公野

元年陳惠十六杞悼四宋景三秦

哀二十三楚昭二吳子闔廬元年

春王三月葬曹悼公

公如晉次于乾侯音註

乾侯晉境內邑在魏郡

夏四月丙戌鄭伯寧卒音註

定公卒子獻公蠆立

六月葬鄭定公

秋七月癸巳滕子寧卒音註

悼公卒子頃公結立

冬葬滕悼公

戊敬王七年

二十有九年

晉頃十三齊景三十五衛靈二十
二蔡昭六鄭獻公蠆元年曹聲二

陳惠十七杞悼五宋景四秦
哀二十四楚昭三吳闔廬二

春公至自乾侯居于鄆齊使高張來唁公音註

高張高
偃子

遣使來唁淺事也亦書于經者罪齊侯不能脩方伯
連帥之職也昔狄人迫逐黎侯黎侯寓于衛衛人弗
恤黎之臣子勸其君以歸而賦式微其一章曰微君
之故者以事求人而人不有其事是謂微君之故若
昭公見逐出奔而齊莫之討淹恤日久而齊莫之納
微君之故矣其二章曰微君之躬者以身下人而人
不有其身是謂微君之躬若齊侯設禮以享而使宰
獻遣使來唁而稱主君微君之躬矣諸侯失國託於
諸侯禮也諸侯失國諸侯納之正也齊之先世嘗主
夏盟而太公受先王五侯九伯之命矣魯為鄰境甥

舅之國也昭公朝夕立於其朝曾不能陳師境

音註

使䟽吏反
帥所類反

公如晉次于乾侯

夏四月庚子叔詣卒

秋七月

冬十月鄆潰

民逃其上曰潰自是昭公削迹於魯尺地一民皆非
其有矣公之出奔處鄆四年民不見德亡無愛徵至
於潰散豈非昏迷不返自納於罟獲陷穽之中其從
者又皆艾殺其民視如土芥其下不堪所以潰歟然

則去宗廟社稷出奔而猶不惕然恐懼斬改過以補前行之愆也自棄甚矣欲不亡得乎噫故書以為後

世音註

徵知陵反畧音古獲胡化反甯才性戒從才用反艾魚刈反行下孟反

已敬王三十年

晉頃十四卒齊景三十六衛靈二十三蔡昭七鄭獻二曹聲三陳惠十八杞悼

六宋景五秦哀二十
五楚昭四吳闔廬三

春王正月公在乾侯

公去社稷于今五年每歲首月不書公者在魯四封之內則無適而非其所也至是鄆潰客寄乾侯非其所矣歲首必書公之所在者蓋以存君不與季氏之專國也而罪臣子譏諸侯之意具矣唐武后廢遷中宗革命自立史臣列于本紀欲著其罪而君子以為非春秋之法其言曰天下者唐之天下中宗受之於

其父武后安得絕先君之世復繫嗣君之年

音註

復扶

又反

夏六月庚辰晉侯去疾卒

音註 去上聲○頃公卒子定公午立

秋八月葬晉頃公

冬十有二月吳滅徐徐子章羽奔楚

庚敬王 寅九年 三十有一年

晉定公午元年齊景三十七衛靈二十四蔡昭八鄭獻三曹聲四陳

惠十九杞悼七宋景六秦哀 二十六楚昭五吳闔廬四

春王正月公在乾侯季孫意如會晉荀躒于適歷

蹠力狄反適歷晉地○書公在乾侯季孫意如會晉于適歷以見晉人釋君而助臣也晉士鞅會諸侯之大夫于扈將以納公取貨于季孫而遂不果荀躒復為此會昭公所以死於外也襄昭之際大夫無君之禍晉人為也之

左氏曰晉侯將以師納公士鞅曰若召季孫而不來則信不臣矣然後伐之若何晉人召季孫鞅使私焉曰子必來我受其無咎意如出君不事專有魯國晉實主盟不能致討而寵以會禮不亦恃哉或曰季孫事君如在國未知其罪而君伐之是昭公之過也則非矣行貨齊晉使不納公禱於煬宮求君不入及其復也猶欲絕其兆域加之惡諡安在乎事君如在國猶曰未知其罪乎齊晉不能誅亂禁姦恃君臣之義不知其從自及也陸淳以謂逐君之臣晉不之罪而反與為會書曰意如會晉荀躒于適歷晉侯之為盟

主可見矣荀躒之為人臣可知矣此不待
貶絕而罪惡見者也得春秋所書之意矣
音註見音
同

夏四月丁巳薛伯穀卒音註獻公卒子
襄公定立

晉侯使荀躒唁公于乾侯

秋葬薛獻公

冬黑肱以濫來奔音註

傳曰邾黑肱也其不繫之邾濫
當自別於邾也圍戚不曰圍衛

戚取鄆不曰取我鄆
皆如二君之辭也

十有二月辛亥朔日有食之

辛敬王
卯十年

三十有二年

晉定二齊景三十八衛靈二十五
蔡昭九鄭獻四曹聲五陳惠二十

杞悼八宋景七秦哀二
十七楚昭六吳闔廬五

春王正月公在乾侯取闕音註

闕魯地在東平
須昌縣東南

夏吳伐越音註

吳始
伐越

秋七月

冬仲孫何忌會晉韓不信齊高張宋仲幾衛世叔申鄭

國參曹人莒人薛人杞人小邾人城成周音註

世叔
世叔儀

孫也國參子產子也○諸侯有事于京師皆不書僖十
三年十六年戌周不書襄二十四年城周不書以是為

常事也書城成周則請而後城之是非常也是役也晉
魏舒南面韓不信專執于京師宋仲幾不受功齊高張
後大夫之無王甚矣其不曰京師
而曰成周以見周與列國等耳

天子有道守在四夷今至於城王都可以不書乎不
曰城京師而曰城成周者京師衆大之稱成周地名
也與列
國等矣

十有二月己未公薨于乾侯

諸侯失國出奔者衆矣鄭伯突為祭仲所逐而出奔
入于櫟而復國衛侯衎為孫甯所逐而出奔入于夷
儀而復國昭公在外八年終以客死為天下笑何也
祭仲雖專而世權不重於季氏衛侯失國猶夫人也
而有推挽之者所以雖失而復得也魯自季友受費
以為上卿至於意如專執國命四世矣其臣皆季氏



之孚也其民皆季氏之獲也而昭公有一子家駒言
不見聽計不行也不能復國宜矣故春秋詳錄其所
因為後世之戒公雖失國然每歲之首月必書公在
乾侯誅意如也書齊侯取鄆公園成鄆潰絕昭公也
為人臣者觀每歲必書公所在必不敢萌跋扈不臣
之心為人君者觀春秋所書園成鄆潰知社稷之無
常奉也亦必少警矣嗚
可謂深切著明者矣

春秋傳卷二十六



覆校官檢討臣季學錦

校對官修撰臣張書勳

謄錄監生臣施昌華